



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 18.7.2017

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
84	012 Executiva Acconsentimaint protocol	tuots
85	021 Administraziun da fabrica Dum. da fabrica no. 030/2017, mür da sustegn, Häfner Riet, parcella 6052, Plan da la Punt , 7560 Martina	vp/ap
86	021 Administraziun da fabrica Dum. da fabrica no. 023/2017, chamonna da üert nouva, porta d'entrada nouva, Luzzi Roman, parcella 142, Salina, 7556 Ramosch	vp/ap
87	021 Administraziun da fabrica Dum. da fabrica no. 035/2017, chamonna nouva (sbodada chamonna existenta), allontanamaint d'aua persa, Demonti Gian Reto & Demonti Anna Mengia, parcella 10441, Chant Pracalögna, 7556 Ramosch	vp/ap
88	021 Administraziun da fabrica Dum. da fabrica no. 032/2017, tenda per depositar fain, Heinrich-Frank Gisep, parcella 11539, Chasellas, 7556 Ramosch	vp/ap
89	021 Administraziun da fabrica Dum. da fabrica no. 039/2017, mür da sustegn, ingrondimaint piazza da parcar, Koch SA, parcella 444, Plan da Muglin, 7556 Ramosch Dumonda da princip	vp/ap
90	021 Administraziun da fabrica Dum. da fabrica no. 022/2017, chamonna nouva (sbodada chamonna existenta), tanc d'aua persa, Caviezel Reto e Christian, parcella 7323, Vadrain, 7560 Martina Valütaziun documainta / posiziun pro l'uffizi per il svilup dal territori dal chantun Grischun	vp/ap
91	740 Sunteri e sepultüras Surpassamaint dal reglamaint da sunteri Lovada d'ün'urna i'l sunteri a Strada	vp/mf

92	830 Turissem Turissem Valsot (general) Reorganisaziun da las structuradas dal turissem in nos cumün - Surdatta dal mandat da coordinaziun a Martina Hänzi - Deliberaziun dal credit da frs. 35'000.00	vp/mf
93	750 Cumischiun da privel Cunvegna da prestaziun per la cumischiun da lavinas cun la ditta MaSer s.c.r.l.	vp/mf
94	861 Ütilisaziun da la rait Energia Engiadina; contribuziun al man public	vp/mf
95	801 Vias champestras Transir sül traget serrà; Vnà - Val Fermusa	fr
96	801 Vias champestras Surpassamaint vias champestras	vp/mf
97	012 Executiva Orientaziuns	tuots
98	012 Executiva Varia (suprastanza cumünala)	tuots

012 Executiva

84 **Acconsentimaint protocol**

Il protocol da la sezzüda dals 7 gën 2017 vegn approvà.

021 Administraziun da fabrica

85 **Dum. da fabrica no. 030/2017, mür da sustegn, Häfner Riet, parcella 6052, Plan da la Punt , 7560 Martina**

In connex cul fabricat dal repar da l'En dal GKI es gnü cunvgni tanter il petent ed il GKI cha da quella vart vegn realisà il mür da sustegn (mür da crappa) tanter las parcellas da la vart dal repar (lunghezza 18 m). La suprastanza es perincletta cun quai e conceda quel permiss.

021 Administraziun da fabrica

86 **Dum. da fabrica no. 023/2017, chamonna da üert nouva, porta d'entrada nouva, Luzzi Roman, parcella 142, Salina, 7556 Ramosch**

Il patrun da fabrica prevezza da rumper oura üna porta sper la garascha suotvart. Ultra da quai vain allontanà il serragl da chans e rimplazzà quel cun üna chamonna da üert. La surfatscha nu subischa ingün augmoint. La dumonda es statta publichada.

La suprastanza es perincletta cun quai e decida da conceder il permiss.

021 Administraziun da fabrica

87 **Dum. da fabrica no. 035/2017, chamonna nouva (sbodada chamonna existenta), allontanamaint d'aua persa, Demonti Gian Reto & Demonti Anna Mengia, parcella 10441, Chant Pracalögna, 7556 Ramosch**

Ils petents prevezzan da sbodar la chamonna existenta e da construir üna nouva cun duos plans. La cifra d'utilisaziun BGF as cunfà (ingrondimaint 29,6%). La direcziun vaiva refüsà la dumonda e pretais ün tet a culmaina chi fa blerun ün meglter aspet sco quel previs cun ün'ala. La pensa dal tet nu das-cha surpassar la lunghezza maximala dad 80 cm. Ultra da quai po gnir trat a nüz plü bain il volüm dals locals suot il tet.

La suprastanza es perincletta cun quai e decida d'invier inavant la dumonda pella procedura dal «BAB».

021 Administraziun da fabrica

88 **Dum. da fabrica no. 032/2017, tenda per depositar fain, Heinrich-Frank Gisep, parcella 11539, Chasellas, 7556 Ramosch**

Fingia als 31 da schner 2017 vaiva il petent inoltrà üna dumonda per installar ün tunnel da plastic vers süd (6m x 8m) da la stalla per depositar pavel. Tenor ils sclerimaints cul uffizi chantunal nu vegn per similis intents concess ingüns permiss. La suprastanza vaiva lura decis da refüsar la dumonda.

Fin üna surfatscha da 25m2 es però il cumün cumpetent da decider e la dumonda nu sto gnir suottamissa al proceder dal BAB.

Uossa ha il petent inoltrà darcheu la dumonda, quista jada per ün tunnel da 24 m2. La suprastanza es gnüda a la conclusiun, ch'eir in quella grondezza chaschunan quels tunnels ün nosch aspet e purtret davant la stalla. Ultra da quai es ella da l'avis, cha quella soluziun cun quella grondezza, nu po esser ideala pel deposit da pavel e cha pro üna stalla as cunfà üna remissa da lain. Pro vain il fat, chi's trattess qua d'ün cas da pregüdizi. Ella decida da refüsar la dumonda, quai cun 4 cunter 1 vusch.

021 Administraziun da fabrica

89 **Dum. da fabrica no. 039/2017, mür da sustegn, ingrondimaint piazza da parcar, Koch SA, parcella 444, Plan da Muglin, 7556 Ramosch**
Dumonda da princip

La ditta Koch ha intenziun d'eriger ün mür da sustegn sün sia parcella nr. 364 e sülla parcella cumünala nr. 444 (lunghezza ca. 31 m ed otezza ca. 2 m). Il scopo es da ragiundscher daplü spazi da parcar e da

pu dair trar a nüz plü bain il terrain existent sco eir d'optimar la situaziun cul lö e cul uorden in general. I's tratta qua intant d'üna dumonda da princip.

La suprastanza decida da sistir pel mumaint la fatschenda. I sta in vista ün müdamaint da l'access in connex culla planisaziun dal plan da quartier. Pro ün'eventuala dumonda sto gnir resguardà l'idrant sco eir l'entrada da garascha dal vaschin.

021 Administraziun da fabrica

- 90 **Dum. da fabrica no. 022/2017, chamonna nouva (sbodada chamonna existenta), tanc d'aua persa, Caviezel Reto e Christian, parcella 7323, Vadrain, 7560 Martina**
Valütaziun documainta / posiziun pro l'uffizi per il svilup dal territori dal chantun Grischun

Il manader tecnic preschainta tuot la documainta ch'el ha recherchà i'ls archivs da Ramosch e Tschlin. La situaziun nun es, adonta tuotta documainta chattada, dal tuot clera. Cler ed avantman es il contrat da vendita dals 28 da lügl 1979. Là han ils fradgliuns Horber vendü la chamonna a C. Famos. Davart da l'uffizi pel svilup dal territori es avantman ün documaint chi demuossa cha'l permiss dal BAB es gnü concess als 4 da favrer dal 1981 e quai sco renovaziun da la chamonna e na sco ingrondimaint. Seguond protocol da la cumischiun da fabrica dals 22 avrigl 1980 es remarchà, cha'l permiss al nouv possessur per müdar la chamonna sù Vadrain sco ch'el giavüscha nu po gnir concess. La renovaziun da quella ed il rumper oura üna fanestra til d'eira però gnü permiss.

Cler es eir il fat, cha la chamonna in seis stadi d'hoz nu demuossa üna surfatscha plü gronda sco il stadi dal 1980. I nun es inglur d'eruir, scha quella es gnüda ingrondida üna jada o na. Schi vess d'avair dat ün ingrondimaint es quel capità amo cur cha la chamonna d'eira in possess dals vegls possessurs.

In basa al manzunà decida la suprastanza da tour posiziun in quel sen e da propuoner al Chantun da conceder il permiss da fabrica seguond la dumonda inoltrada.

740 Sunteri e sepultüras

- 91 **Surpassamaint dal reglamaint da sunteri**
Lovada d'ün'urna i'l sunteri a Strada

L'urna dal defunt d'eira gnüda sepulida sainza chi d'eira gnü inoltrada la dumonda correspundenta al cumün. Als respunsabels d'eira gnü dat occasiun da tour posiziun in chosa. La suprastanza ha tut cogniziun da quella ed ha decis da conceder l'udida giuridica e quai in basa al uorden da sunteri.

830 Turissem

- 92 **Turissem Valsot (general)**
Reorganisaziun da las structuradas dal turissem in nos cumün
- Surdatta dal mandat da coordinaziun a Martina Hänzi
- Deliberaziun dal credit da frs. 35'000.00

Als 4 da lügl 2017 vaiva Martina Hänzi preschantà il nouv concept previs pel turissem da nos cumün. A quella sairada d'infuormaziun vaivan fat part rapreschantants da la suprastanza, ils commembers da la cumischiun BUN TSCHLIN sco eir ils commembers da la cumischiun da turissem. Il rebomb da tuottas varts es stat positiv e quellas s'han exprimadas in sen, cha la proposta preschantada dess gnir perseguitada inavant.

La suprastanza decida cun vusch unanima sco segua:

- Ella surdà l'incumbenza da coordinaziun dal turissem in fuorma d'ün mandat a la Engadin Booking SA in basa d'ün contrat da mandat cun duonna Martina Hänzi
- Ella deliberescha il credit necessari da frs. 35'000.00

750 Cumischiun da privel

- 93 **Convegna da prestaziun per la cumischiun da lavinas cun la ditta MaSer s.c.r.l.**

La convegno cul cumün da Scuol d'eira gnüda desditta sül la fin da gүн. Previs es nouv da stipular üna convegno da prestaziun culla ditta MaSer s.c.r.l. La suprastanza ha consultà il sböz sco eir il quadern da dovairs. Il punct 5 da quella vegn amo adattà resp. müdà in sen, chi nu sun indichats noms da persunas chi fan part a la cumischiun, d'impersè cha duos persunas destinadas da la suprastanza fan part a la cumischiun. Plünavant vegn remarchà, cha eir il contrahent es commember da la cumischiun.

La suprastanza approva la cunvegna ed il quadern da dovairs. La cunvegna vala pella stagiun d'inviern 2017/18 fin 2021/22 e po gnir desditta la prüma jada davo 5 ons. Nu vain quella desditta as prolunga tala d'on ad on.

861 Ütilisaziun da la rait

94 **Energia Engiadina; contribuziun al man public**

Tenor ledscha d'energia sun ils cumüns obliats da comunicar minch'on l'otezza da la contribuziun al man public, la quala vegn facturada cul quint d'energia a minch'abunent da forza. Davart da l'EE-Energia Engiadina vegn appellà d'inoltrar la decisiun pel on 2018 fin sülla fin da lügl 2017, quai per pudair comunicar a temp la contribuziun a l'ElCom. La suprastanza fixa l'indemnisaziun al man public sün frs. 0.5 rps / ukw. quai in möd analog a l'on 2017.

801 Vias champestras

95 **Transir sül trajet serrà; Vnà - Val Fermusa**

Il trajet Vnà – Val Fermusa d'eira gnü serrà dal cumün our da motivs da sgürezza cun decisiun a seis temp da la suprastanza. Il suprant, Fadri Riatsch, infuormescha sur d'üna visita oculara d'ultimamaing in connex culla meglioraziun ed il possessur da la parcella tangada. Per simplifichar al paur tangà e fittadin da quella parcella giavüschan ils tangats a la suprastanza da conceder tanteraint il permiss excepziunal per pudair sfrüar la parcella e per metter aldüm, pischatsch, e.o.p. Ultra da quai manzuna Fadri Riatsch, cha'l fittadin sto raschlar a munt il fain dal röven. L'idea es, cha quel passess mincha jada pro l'administraziun pella clav.

La discussiun dvainta viva e vasta. Da quella resulta, cha la parcella posseda da duos varts il vial e cha quai saja sufficient. Il problem es cha cun conceder excepziuns es, in cas d'accidaint, la respunsabilità pro la suprastanza. Implü vegn manzunà, cha la decisiun da la suprastanza da quella jada stuves gnir abolida, causa chi nu pon gnir decisas excepziuns per ün trassè serrà.

In basa als motivs manzunats decida la suprastanza cun 4 cunter 1 vusch da refüsar la dumonda resp. quel giavüschan.

801 Vias champestras

96 **Surpassamaint vias champestras**

L'automobilist es gnü observà als 3 da gün 2017 cun transir sülla via da Pramiur, Tschlin sainza permiss. La direenziun vaiva decis da til conceder l'udida giuridica.

Quel ha i'l fratemp tut posiziun lasupra manzunond d'avair gnü invlidà da retrar la vignetta pel 2017. La suprastanza decida da til punir per quel surpassmaint cun üna multa da frs. 200.00.

012 Executiva

97 **Orientaziuns**

Center da Baineser Tschlin

La suprastanza ha tut cogniziun da l'infuormaziun dal fittadin, Corsin Biert. Quel ha stuvü publicar ün scumond per tuot ils uffants sün tuot l'areal da l'anteriura chasa da scoula e quai da lündeschi, als 17 da lügl fin sonda als 22 da lügl.

Scopo: Ils disturbis d'ürant ils uraris scumandats la saira dvaintan vieplü gronds ed ils uffants as deportan vers Corsin in möd vieplü impertinent. Invezza da giovar raivan quels sù pellas fanestras ed han cloccà sün quellas e disturbà latras in möd sensibel il cuors. Implü ha el stuvü intervenar plüssas jadas cul appel da schmetter, però invan. Quella situaziun es uossa fingià daspö trais mais. Cuort e bain, la situaziun dvainta pel Baineser vieplü insupportabla. Eir discuors cun genituors nun han portà ingüns früts.

La suprastanza es fich dischillusa da quel fat. Ella sta plainamaing davo la masüra tratta da Corsin. Ella decida dafatta da resguardar las plazzas da la chasa da scoula sco serradas. Pell'ütisaziun da quellas vala a partir da subit il medem möd d'agir sco pellas localitats internas, dimena per minch'adöver ha da gnir dumondà e trattà cul fittadin, Corsin Biert.

Mia Engiadina / invid ad üna dieta d'infuormaziun

Quella invida a la preschantaziun da finischiun dal concept «Bildungsregion Medien und Informatik». La suprastanza destinescha a Milena Horber, presidenta dal cussagl da scoula, da far part a quella.

Lavuratori avegnir Valsot – eir ill'età avanzada

Quel ha lö als 16 avuost 2017 (10:00 – 15:45) illa chasa da scoula a Strada. La suprastanta, Ursina Caviezel fa part a quella.

Prümarans a Chant Sura e Chant Dadaint

Il capo infuormescha sur da la visita occulara culla directura da construcziun dal chantun da Turich chi ha gnü lö ultimamaing. Il rebomb es positiv e las vistas sun bunas chi's po quintar cun ün'ev. contribuziun our dal fuond da lottaria sur d'ün import considerabel.

Rimplazzamaint dal tagliamunt a Panas-ch

Il tagliamunt chi d'eira gnü construi causa privel da crappa as rechatta in nosch stadi e sto gnir refat. Las lavuors vegnan effetuadas da l'uffizi forestal. I'l preventiv sun quists cuosts resguardats. Sco prüm ha lö üna visita occulara cul silvicultur e cul respunsabel pella loipa Mario Mosca.

012 Executiva

98 **Varia (suprastanza cumünala)**

Il vicecapo, Armon Mayer, manzuna ch'el es gnü ad uraglia cha la saiv da giatter lung la via chantunala ad Ischla Strada vegn allontanada e rimplazzada cun üna planca. Il cumün nun ha cugnuschentscha da quel fat uschè chi's po prosumer, cha actualmaing nu gnarà la saiv allontanada.

7556 Ramosch, 26.07.2017



Il capo:

Il manader administraziun: